

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22 i 7/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 25. sjednici održanoj 26.04.2024. godine, donijela je

**Autentično tumačenje člana 65. stav (1) tačka e) Kolektivnog ugovora za djelatnosti
predškolskog odgoja i osnovnog odgoja i obrazovanja Kantona Sarajevo
(„Službene novine Kantona Sarajevo“, broj: 24/22, 40/22 i 7/24)**

„Član 65.

(1) Radniku po osnovu otežanih uslova rada pripada pravo na poseban dodatak uz platu u visini do 25% njegove osnovne plate u sljedećim slučajevima:

e) nastavniku u redovnim školama po osnovu rada sa učenicima s teškoćama s kojima nastavnik radi na osnovu individualiziranog prilagođenog programa (IPP), pripada pravo na poseban dodatak na platu u iznosu od 2% njegove osnovne plate za rad sa svakim učenicom s kojim realizira jedan čas sedmično, a najviše 15% njegove osnovne plate,“

Dio citirane odredbe Kolektivnog ugovora „u iznosu od 2% njegove osnovne plate za rad sa svakim učenicom s teškoćama s kojim realizira jedan čas sedmično“ podrazumijeva poseban dodatak uz platu nastavnika u iznosu od 4% osnovne plate radnika na mjesečnom nivou koji sa takvim učenicom realizira dva časa sedmično.

Odluka o autentičnom tumačenju člana 65. stav (1) tačka e) Kolektivnog ugovora je donesena na 25. sjednici Komisije održanoj 26.04.2024. godine jednoglasno konsenzusom.

ČLANOVI KOMISIJE

Abid Fežić, predstavnik Poslodavca

Edina Pašić, predstavnik Poslodavca

Saudin Sivro, predstavnik Sindikata

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO

n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**

n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22 i 7/24 - u daljem tekstu: Kolektivni ugovor) obratio se Sindikat, kao jedna od ugovornih strana, vezano za dopis Javne ustanove Osnovna škola „Čengić Vila I“ Sarajevo, broj: 01-329-2/24 od 28.03.2024. godine i Zaključak Školskog odbora Javne ustanove Osnovna škola „Čengić Vila I“ Sarajevo od 25.03.2024. godine a koji se odnose na tumačenje člana 65. stav (1) tačka e) Kolektivnog ugovora u dijelu utvrđivanja prava na isplatu posebnog dodatka u procentima po osnovu rada po IPP na platu radniku – nastavniku koji radi sa jednim učenikom dva časa sedmično.

U vezi s navedenim, obavještavamo Vas da je Komisija na 25. sjednici održanoj 26.04.2024. godine, donijela autentično tumačenje člana 65. stav (1) tačka e) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**